

Class 10 Social Science

Lesson - 4

Bodo Medium

उदांसि सोमावसारनाय आरो आसामाव हारिमायारि जांख्रिखांनाय

ब्रैथि खोन्दो

बांसायख' सोंथिनि फिननाय

गेबें फिननायखौ सायख 'ना दिहुन :

सों 1. गिबि इंग' –बार्मी दावहाया जादोंमोन–

(a) 1824 मायथाइ।

(b) 1825 मायथाइ।

(c) 1858 मायथाइ।

(d) 1823 मायथाइ।

फिन : (a) 1824 मायथाइ।

सों 2. इष्ट इण्डिया कम्पानिनि बदलै भारतनि खुंथाया ब्रिटिस
राजमुकुतनि सिं जादोंमोन–

(a) 1857 मायथाइ।

(b) 1858 मायथाइ।

(c) 1826 मायथाइ।

(d) 1825 मायथाइ।

फिन : (b) 1858 मायथाइ।

सों 3. 1837 मायथाइनिफ्राय आसामनि फरायसालि, अफिस आरो
आदालताव सालायजानाय राव-

(a) असमिया।

(b) उर्दु।

(c) नेपालि।

(d) बांला।

फिन : (d) बांला।

सों 4. 'ज'नाकी' लाइसिखौ गिबि फोसावनाय जादोंमोन-

(a) कलिकतानिफ्राय।

(b) गुवाहाटीनिफ्राय।

(c) दिल्लीनिफ्राय।

(d) मुम्बाइनिफ्राय।

फिन : (a) कलिकतानिफ्राय।

सों 5. आसाम छात्र सम्मिलननि गिबि जथुमायाव आफादगिरि जादोंमोन–

(a) पद्मनाथ ग 'हाइबरुवा।

(b) आनन्दराम ठेकियाल फुकन।

(c) गुनाभिराम बरुवा।

(d) लक्ष्मीनाथ बेजबरुवा।

फिन : (d) लक्ष्मीनाथ बेजरुवा।

सों 6. 19 जौथायाव गायसनजानाय रायत सभाफोरनि गाहाइ थांखिया जाबाय–

(a) आफु आबाद बन्द खालामनाय।

(b) खाज 'ना बांहीनायखौ खमायनाय।

(c) ब्रिचिसखौ होखारहरनाय।

(d) गोजौनि मोनसेबो नडा।

फिन : (b) खाज 'ना बांहोनायखौ खमायनाय।

7. आह 'म सभानि गिबि जथुमाया खुंजादोंमोन–

(a) शिबसागर।

(b) ज'रहाट।

(c) गुवाहाटी।

(d) बरपेटा।

फिन : (a) शिबसागर।

सों 8. हारिमायारि कंग्रेछनि 41 थि बोसोरसालिया जथुमाया खुंजादोंमोन–

(a) गुवाहाटीनि पाण्डु।

(b) डिब्रुगढ़।

(c) नगाव।

(d) ज'रहाट।

फिन : (a) गुवाहाटीनि पाण्डु।

सों 9. सवरमती आस्रमनिफ्राय डाण्डिनि लैथो सेरसिम जानथाया–

(a) 250 फ़ाम माइल।

(b) 240 फ़ाम माइल।

(c) 260 फ़ाम माइल।

(d) 370 फ़ाम माइल।

फ़िन : (b) 240 फ़ाम माइल।

सों 10. हेफ़ाजाबहोयि सोमावसारनाया जागायदोंमोन–

(a) 1920 मायथाइ।

(b) 1922 मायथाइ।

(c) 1930 मायथाइ।

(d) 1942 मायथाइ।

फ़िन : (a) 1920 मायथाइ।

सों 11. गुपिं मावथांखिनिफ़ाय आसामखौ रैखा खालामो–

(a) तरुणिराम फ़ुकन।

(b) नबीन चन्द्र बरदलै।

(c) मनिराम देवान।

(d) ग 'पीनाथ बरदलै।

फिन : (d) ग'पीनाथ बरदलै।

सों 12. 'कानिंहाम सार्कुलार 'आ गाहायनि बबे सोमवासारनायजों
सोमोन्दों गोनां-

(a) भारत एंगारनाय सोमावसारनाय।

(b) हरिजन सोमावसारनाय।

(c) आयेन मानियि सोमावसारनाय।

(d) हेफाजाबहोयि सोमावसारनाय।

फिन : (c) आयेन मानियि सोमावसारनाय।

सों 13. 'मावगोन नङाबा थैगोन' (do or die) स्ल 'गाना जाबाय-

(a) महात्मा गान्धी।

(b) सुभास चन्द्र बसु।

(c) बालगंगाधर तिलक।

(d) लाला लाजपत राय।

फिन : (a) महात्मा गान्धी।

सों 14. भारत ँंगारनाय सोमावसारनाय जागायदोंमोन–

(a) 1930 मायथाइ।

(b) 1942 मायथाइ।

(c) 1920 मायथाइ।

(d) 1914 मायथाइ।

फिन : (b) 1942 मायथाइ।

सों 15. चीन-भारतनि दावहाया जादोंमोन–

(a) 1964 मायथाइ।

(b) 1962 मायथाइ।

(c) 1971 मायथाइ।

(d) 1950 मायथाइ।

फिन : (b) 1962 मायथाइ।

सों 16. 1969 मायथाइयाव आसाम आबाद मुलुगसोलों सालिखौ
गायसननाय जायगा–

(a) गुवाहाटी।

(b) नगाव।

(c) ज'रहाट।

(d) डिब्रुगढ़।

फिन : (c) ज'रहाट।

सों 17. शिलचर देहाफाहामसालि कलेजखौ गायसननाय जादोंमोन–

(a) 1968 मायथाइ।

(b) 1959 मायथाइ।

(c) 1960 मायथाइ।

(d) 1948 मायथाइ।

फिन : (a) 1968 मायथाइ।

सों 18.19 जौ जौथायनि गेजेर बाहागोआव आसामाव सोलोंथाइ
मोननाय गेजेर थाखो जोनोम होदोंमोन–

(a) सोनाबारि सोलोंथाइ।

(b) भारतारि सोलोंथाइ।

(c) सानजायारि सोलोंथाइ।

(d) गोजौनि मोनसेबो नडा।

फिन : (a) सोनाबारि सोलोंथाइ।

सों 19. आसाम एस 'सियेसननि गिबि नेहाथारिया जाबाय—

(a) प्रभात चन्द्र बरुवा।

(b) मानिक चन्द्र बरुवा।

(c) पियलि बरुवा।

(d) रहिनी कान्त बरुवा।

फिन : (b) मानिक चन्द्र बरुवा।

सों 20. ज'रहाट सार्वजनिक सभानि मोनसे मख 'जाथाव हाबाफारिया जाबाय—

(a) कानि फोजोबनाय थांखिखौ गनायथि होनाय।

(b) हा-खाज 'ना खान्थियाव मदद होनाय।

(c) कानि फोजोबनाय थांखिखौ हेंथा होनाय।

(d) गोजौनि मोनसेबो नडा।

फिन : (c) कानि फोजोबनाय थांखिखौ हेंथा होनाय।

फरानि सोंनाय फिननाय

सुंथाबथार फिननायनि सोंनाय :

सों 1. इयाण्डाबु गोरोबथाया माब्ला जादोंमोन?

फिन : इयाण्डाबु गोरोबथाया 1826 मायथाइनि 24 फेब्रुवारि खालारखालि जादोंमोन।

सों 2. क'म्पानिनि आमोल बुडोब्ला बबेनि समखौ फोरमायो?

फिन : 1826 मायथाइनिफ्राय 1858 मायथाइसिम समखौ क'म्पानिनि आमोल बुंनाय जायो।

सों 3. आसामाव बांला राव बाहायनाया माब्ला जादोंमोन?

फिन : आसामाव बांला राव बाहायनाया 1837 मायथायाव जादोंमोन।

सों 4. बांला रावनि सोलाय आसामाव असमिया रावा माब्ला बाहाय जाफिनदोंमोन?

फिन : आसामाव बांला सवनि सोलाय असमिया रावा 1873 मायथायाव बाहाय जाफिनदोंमोन।

सों 5. अरुण 'दय लाइसिनि गिबि सुजुगिरिया सोरमोन?

फिन : ड० नाथान ब्राउन।

सों 6. आसाम छात्र सम्मिलननि खुगा लाइसिया मामोन?

फिन : आसाम छात्र सम्मिलननि खुगा लाइसिया 'मिलन' मोन।

सों 7. रायत सभानि गुबै थांखिया मामोन?

फिन : रायत सभानि गुबै थांखिया गोदान हा-खान्थि आरो खाज 'ना खान्थिनि हेंथा होनाय।

सों 8. दुलाराइ आसाम रायत सभाया माब्ला दाजादोंमोन?

फिन : दुलाराइ आसाम रायत सभाखौ 1933 मायथायाव गायसननाय जादोंमोन।

सों 9. आह 'म सभानि नेहाथारिया सोरमोन?

फिन : आह'म सभानि नेहाथारिया पद्मनाथ ग'हाइबरुवामोन।

सों 10. ज'रहाट सार्वजनिक सभाया माब्ला आरो सोरनि दैदेननायाव गायसननाय जादोंमोन?

फिन : ज'रहाट सार्वजनिक सभाखौ 1884 मायथाइयाव जगन्नाथ बरुवानि दैदेननायाव गायसननाय जादोंमोन।

सों 11. आसाम प्रेदश कंग्रेछ कमिटिनि गिबि आफादगिरि आरो नेहाथारिया सोरमोन?

फिन : आसाम प्रदेश कंग्रेछ कमिटिनि गिबि आफादगिरि आरो नेहाथारिया जाबाय- कुलधर चलिहा आरो न 'बीन चन्द्र बरदलै।

सों 12. आसाम प्रदेश कंग्रेछ कमिटिनि फसंथानारियै सायख 'जानाय गिबि आफादगिरिया सोरमोन?

फिन : कुलधर चलिहा।

सों 13. आसामनि गिबि गाहाइ मन्थिया सोरमोन आरो माब्ला सायख' जादोंमोन?

फिन : आसामनि गिबि गाहाइ मन्थिया ग 'पीनाथ बरदलै आरो बिथांखौ 1946 मायथाइयाव सायख'नाय जादोंमोन।

सों 14. आसामाव गायसनजानाय गिबिसिन हारिमायारि फसंथाना मा?

फिन : आसाम एस 'सियेसन (1903)।

सों 15. कुशल के'वरखौ मा दायाव फासि होदोंमोन?

फिन : बरपथाराव रेल खोखलैनायनि दायाव कुशल क'वरखौ फासि होनाय जादोंमोन।

सों 16. गौहाटी मुलुग सोलोंसालिया माब्ला गायसन जादोंमोन?

फिन : गौहाटी मुलुग सोलोंसालिखौ 1948 मायथाइनि 26 जानुवारिखालि गायसननाय जादोंमोन।

सों 17. आसाम देहाफाहामग्रा कलेज मुंखौ माब्ला दोननाय जादोंमोन?

फिन : आसाम देहाफाहामग्रा कलेज मुंखौ 1947 मायथाइनि 3 नबेम्बरखालि दोननाय जायोमोन।

सों 18. गुवाहाटी देहाफाहामग्रा कलेजा माब्ला जागायजेनो?

फिन : गुवाहाटी देहाफाहामग्रा कलेज (गुवाहाटी देहाफाहामसालि कलेज) खौ 1960 मायथाइनि 20 सेप्टेम्बरखालि जागायजेननाय जायो।

सुंद' फिननायनि सोंनाय

सों 1. असमीया लिटारेरी ससाइटिनि सोमोन्दै सुंद 'यै लिर।

फिन : देबीसरन बरुवा आरो गुणग 'बिन्द फुकननि दैदेननायाव 1872 मायथाइयाव 'असमीया लिटारेरी ससाइटि 'खौ कलिकतायाव गायसननाय जायो। बे गौथुमनि गुबै थांखिया जादोंमोन थुनलाइ सर्सा खालामनाय। बबेखानि बे गौथुमाव राजखान्थियारि साननायाबो थिसन जाबायमोन। बे गौथुमनि मुंदांखा सोद्रोमा जगन्नाथ बरुवा आरो मानिक चन्द्र बरुवामोनहा बे ससाइटिनि जानानै भाइसरय लर्ड नर्थब्रुकनो गांसे गोसोखां बिलाइ होदोंमोन। बै गोसोखां बिलाइयाव मोननै दाबि दोंमोन। दाबि मोननैया जाबाय– (i) आसामनि मिथिंगायारि सम्पदनि जौगाहोनाय आरो (ii) आसाम आरो बंगनि गेजेराव रेल फोनांजाब गायसननायनि थाखाय नांगौबादि राहा लानाय। बबेखानि बे गौथुमा 1885 मायथाइसिमहालागि सांग्रां जाना दोंमोन।

सों 2. ज'नाकी मुगा होनोब्ला बबे समखिनिखौ फोरमायो? बे मुगानि मख 'जाथाव हारियारि खान्धि बेरखांनायनि सुंद' फोरमायथि हो।

फिन : ज'नाकी मुगा होनोब्ला जिगु जौथाइनि जोबथा बाहागोनिफ्राय नैजि जौथाइनि थामजि जिथाइ समखिनिखौ (1889-1929) फोरमायनाय जायो। ज'नाकी लाइसिया नुजाजेनदोंमोन 1889 मायथाइयाव कलकातानिफ्राय चन्द्र कुमार आगरवालानि सुजुनायाव। बबेखानि बे ज'नाकी लाइसिया आसाम भाषा उन्नति साधिनी सभाजों फोसाव जादोंमोन।

ज'नाकी मुगायाव दिहुनजानाय बे ज'नाकी लाइसिया बै समनि गोबां गोदान थुनलाइगिरि हारोंथाइ गोनां मानसिफोरखौ दिहुनना लाबोनो हादोंमोन। ज'नाकी लाइसिया गिबि समाव राजखान्धिनिफ्राय गोजानाव थादोंमोनब्लाबो समनि फाखनाव बेवहाय फोसावजानाय खन्थाइ, रायथाइ, लिरथाइफोराव लिरगिरिनि हारियारिबादी साननाय हनायफोरा बेरखांदोंमोन। ब्रिटिस फैनायनि जाउनाव आसामनि जायगायारि उद्य'ग आरो फालांगियाव जा गाज्जि गोहोम गोलैदोंमोन बेनि सोमोन्दै बे मुगानि लिरथाइफोरा असमीया सुबुंफोरनि गेजेराव हारियारि खान्धि साननाय बेरखांहोदोंमोन।

सों 3. आह'म सभानि राजखान्धियारि दाबिनि सोमोन्दै लिर।

फिन : आह'म सभाखौ पद्मनाथ ग 'हाइ बरुवानि दैदेननायाव 1893 मायथाइयाव गायसननाय जादोंमोन। आह 'म हारिनि राजखान्धियारि, रांखान्धियारि, सोलोंथाइ, हारिमुवारि हायग्लायलांनायखौ नोजोर होनानै बे आफादखौ गायसननाय जादोंमोन। कानि होबथानायाबो बे आफादनि मख 'जाथाव दाबिमोन। उनावहाय बे आफादखौ 'दुलाराय आसाम आह'म एस 'सियेसन' मुं होनाय जादोंमोन। बे एस'सियेसननि राजखान्धियारि दाबिया जाबाय- आह 'मफोरखौ सोरखारियारियै

अनजिमा बाङ्गाइ महुरै गनायनानै बिसोरनि थाखाय बिधान सभायाव आसन (मासि) थिखानाय आरो जुदा समष्टि दानाय।

सों 4. कानि बाहायनायनि सोमोन्दै ज'रहाट सार्वजनिक सभानि साननाया मामोन लिर।

फिन : ज'रहाट सार्वजनिक सभाया आसामनिफ्राय कानि (आफिं) होबथानायखौ बेरेखा खालामदोंमोन। कानि होबथानायनि बिथिङाव बे सभानि साननाया एरैबादिमोन कानिखौ होबथायोब्ला आसामनि सुबुंफोरनि सायाव बांद्रायै जाबसिनना होनाय खाज खाज 'नाखौ सुबुंफोरा होनो हानाय नङा। बेखायनो बे सभाया 1893 मायथाइयाव आसामनि गिबि नेहाथारिनि हेफाजाबै 'राजायारि कानि आय 'ग' सिम गोसोखां बिलाइनि गेजेरजों कानिनि गोबां मोजां फोरमायथि होनानै सोरखारनि कानि खान्थिखौ सोलायसल' एबा कानि फोजोबनाय थांखिखौ हेंथा हरदोंमोन।

5. आसाम एस 'सियेसना ब्रिटिस सोरखारनि सेराव दैखांनाय आयदाफोरा मा मामोन?

फिन : आसाम एस 'सियेसना ब्रिटिस सोरखारनि सेराव दैखांनाय आयदाफोरा जाबाय—

(i) बंग सोखावनायनि हेंथायै आसामखौ सानजा बंगनिफ्राय आलादी खालामनाय।

(ii) आसाम एस 'सियसननिफ्राय बिधान सभायाव (आयेन आफाद) थान्दै लानाय।

(iii) 1918 मायथाइनि मन्टेग'-सेमस् फर्ड रिपर्टनि थांखिनाय खुंथाय सोदांनायाव आसामखौ सरजाबफानाय।

(iv) आसामाव मुलुग सोलोंसालि गायसननाय।

सों 6. आसामाव गुबुन हादरारि मुवा गारनाय हाबाफारिनि सोमोन्दै लिर।

फिन : बंग हादरनि गाव हादरारि सोमावसारनायनि बिजाथाया आसामसिमबो गोसारफैदोंमोन। बंगआव जाबादिहाय गुबुन हादरारि मुवा नागारनानै गाव हादरनि मुवा नाजावनाय हाबाफारि सोलिदोंमोन बिदि आसामावबो बे हाबाफारिया सोलिनो लादोंमोन। आसामकेशरी अम्बिकागिरी रायचौधुरी आरो ग'बिन्द लाहिड़ीया फरायसाफोरनि गेजेराव बिग्रायारि गौथुम दानानै आसामनि जिलाफोराव गावहादरनि मुवा बाहायनायनि थाखाय फोसावदोंमोन।

बे खोथाखौ मिथि मोननानै आसामनि मानसिफोरा संख्रैनि सोलाय खारदै, गुबुन हादरनि सेनिनि सोलाय बेनारसनि सेनि, गुबुन हादरारि जिनि सोलाय जायगानि इन्दि, मुगा, खुननि आरो खादी जि बाहायदोंमोन। बेफोरबादि गुबुनारि मुवा- संख्रै, सेनि, जि नागारनायनि अनगायैबो इंराजी राव, इंराजा होनाय बिमुं बायदिफोरखौं नागारनायनि हाबाफारि लानाय जादोंमोन। आसामनि सुबुंफोरा गुबुनारि हादरनि मुवाफोरखौ दामोल खालामनानै सावनानै नागारदोंमोन। सोरखारि फरायसालिफोरखौबो नागारदोंमोन।

सों 7. आसामाव हे फाजाबहोयि सोमावसार नायाव दैदेननाय दैदेनगिरिफोरनि सोमोन्दै मख'।

फिन : भारतवर्ष आव खिलाफत कमिटि आरो कंग्रेछनि ज 'थाइ
दैदेननायाव हेफाजाब होयि सोमावसारनाया जाखांदोंमोन।
आसामावबो बे सोमावसारनायनि बारा नांफैदोंमोन। आसामाव
हेफाजाबहोयि सोमावसारनायखौ चन्द्रनाथ शर्मा, हेमचन्द्र बरुवा,
अमिय कुमार दास, महिबुद्दिनन आहमेद, तरुणराम फुकन,
नबीचन्द्र बरदलै आरो कुलधर चलिहामोनहा दैदेनदोंमोन। बिसोरो
गिबिनिफ्रायनो सोमावसारनायनि शक्ति बांहोनो थैथां नाजादोंमोन। बे
बुब्लियाव मख 'जाथाव बिफाव लादोंमोन चन्द्रनाथ शर्माया।

चन्द्रनाथ शर्मा, हेमचन्द्र बरुवा, अमिय कुमार दास आरो महिबुद्दिन
आहमेदमोनहा आसामनि सेंग्रा फरायसाफोरखौ दैदेनदोंमोन।
बिथांमोननि दैदेननायावनो आसामनि सेंग्राफोरा सोरखारि
फरायसालिफोरखौ नागारनानै बे सोमावसारनायाव बाहागो
लादोंमोन।

बिसोरनि मख 'जाथाव माखासेफोरा जाबाय लक्ष्मीधर शर्मा, र 'हिणी
कान्त हातीबरुवा, बिमलाकान्त बरुवा, कनक चन्द्र बरुवा, बेणुधर
शर्मा आरो तिलक शर्मा बायदि। आरोबाव हेफाजाबहोयि
सोमावसारनायखौ दैदेननाय तरुण राम फुकन, नबीन चन्द्र बरदलै,
कुलधर चलिहामोनहा आवगाय उकिल साखि मावदोंमोन नाथाय
बिसोरबो उखिलगिरिखौ नागारनानै बे सोमावसारनायखौ
दैदेनदोंमोन।

**सों 8. कानिंहाम सार्कुलारा आसामाव आयेन मानियि
सोमावसारनायाव माबादि गोहोम खोलैदोंमोन?**

फिन : गान्धीनि दैदेननायाव भारतनाडैनो आयेन मानियि
सोमावसारनाय सोलिबाय थानाय समावनो आसाम सरकारनि
सोलोंथाइ गोरा जन रिछार्ड कानिंहामा फरायसाफोरखौ

सोमावसारनायनिफ्राय जानगारहोना लाखिनो थाखाय मोनसे
सार्कुलार दिहुनो। बे सार्कुलार बादियै फरायसा आरो बिनि बिमा
बिफाफोरा जायखि जाया राजखान्थियारि हाबाफारियाव बाहागो
लाया होननानै लिरनाय महराव खोथा होनांदोंमोन।

दायनिगिरि जानायफोरखौ खना (जरिमाना) फोनांनायजों लोगोसे
फरायसा बृतिबो (scholarship) होनाय नडा होननानै
फोसावदोंमोन। नाथाय कानिंहामनि सार्कुलारा फरायसाफोरखौ
सोमावसारनायनिफ्राय बोखारनायनि सोलाय बियाव बाहागो लानोसो
बांसिन थुलुंगा होदोंमोन। फरायसाफोरा सोरखारि सोलोंसालि
नागारनानै बे आयेन मानियि सोमावसारनाय गोसारहोनायाव
बिहोथाइ होदोंमोन।

सों 9. ग 'पीनाथ बरदलै मन्थि आफादा उदांसिनि उनाव मोगा मोगि
जानांनाय जेंनानि सोमोन्दै लिर।

फिन : 1946 मायथाइयाव खुंजानाय आसामनि सरासनस्रा
बिसायखथियाव कंग्रेछ हानजाया देरहायो आरो ग 'पीनाथ बरदलैनि
दैदेननायाव मन्थि आफाद दायो (1946, 11 फेब्रुवारि)। नाथाय
बरदलैनि मन्थि आफादा उदांसिनि उनावनो गोबां जेंनाजों मोगा मोगि
जानांनाय जादोंमोन। गाहायाव मोगा मोगि जानांनाय जेंनाफोरखौ
मख 'नाय जाबाय—

(i) सिमा जेंनानि मोगा मोगि जानांनाय।

(ii) सा सानजा भारतनि हानथा-मेलायाव नुजानाय जेंना।
मानोहोनब्ला हादर सोखावनायनि उनाव सोनाब बंग आरो आसामनि
गेजेरनि रेल लामा आरो दै लामाया हरखाबै सानजा पाकिस्ताननि सिं
जायो।

(iii) रांखाथियारि बेले बेजेनि मोगा मोगि जानांनाय जेंना।

(iv) सा-सानजा भारताव गुबुनारि हाबफैनाय जेंना।

(v) रैखाथिनि बेलायाव मोनसे गिनो गोनां ओनसोल महरै थानांनाय जेंना।

सों 10. आसाम आबाद मुलुग सोलोंसालिनि गायसननायनि सुंद' जारिमिन लिर।

फिन : करिमगन्ज आरो तिताबराव गायसनजानाय आबाद बिजिरसं खुलियानो आसाम आबाद मुलुगसोलोंसालि गायसननायनि जागायजेननाय बुंनो हायो। बे खुलिफोरनि बिजिरसं आरो ट्रेइनिंफोरनिफ्राय मोनथिना मोनदोंमोनदि आबाद आरो जुनार कलेजनि आलादा आलादा फसंथान नांगौ। बेखौ नोजोर होननानैनो 1948 मायथाइयाव नगाँवाव आसाम जुनार कलेज आरो ज 'रहाटाव आसाम आबाद कलेज गायसननाय जायो। बे गंनै कलेजखौ लाफनानै 1969 मायथाइयाव ज'रहाटाव आसाम आबाद मुलुगसोलोंसालि गायसननाय जायो आरो जुनार फाहामग्रा कलेजखौ नगावनिफ्राय गुवाहाटीनि खानापारासिम दोरोदहोनाय जायो।

बे मुलुगसोलोंसालिनि गुबै थांखिफोरा जाबाय-

(i) आबाद खोन्दोयाव सुबुं सम्पद जौगाहोनाय।

(ii) दिहुननाय बांहोनो थादवाजासे बिजिरसंनाय।

(iii) बिरोंदामिन बिद्यानि जौगाखांहोनाय आरो राइजोनो मिथिहोनाय।

(iv) आबाद खोन्दोयाव बिरोंदामिन बाहायनाय बांहोनाय।

(v) आबाद खोन्दोजों सरजाबनाय गासैबो थाखोनि गेजेराव मोनसे गोरोबलायहोनाय आरो आदारनि बेलायाव रैखाथि सोरजिनाय।

सों 11. आसाम सिकितसा कलेज (आसाम देहाफाहामग्रा कलेज) गायसननायनि सुंद' जारिमिन लिर।

फिन : 1900 माइथायाव डिब्रुगड़ाव ड० जन बेरी ह'वाइटनि रां अनसुंथाइजों 'बेरि ह 'वाइट मेडिकेल स्कूल' गायसननाय जादोंमोन। नैथि मुलुग दावहानि उनाव बे मेडिकेल स्कूलखौ खाथिनिनो देहाफाहामसालिनि केम्पासाव लानानै थांदोंमोन आरो बेखौ दावहानि समाव आमेरिकानि सान्त्रिफोरा बाहायदोंमोन।

हादोरा उदांसि मोननायनि उनाव 1947 मायथाइनि 3 नबेम्बरखालि बे स्कूलखौ फसंथानारियै 'आसाम देहा फाहामसालि कलेज' मुं होनाय जायो। देहाफाहामनाय आरो देहा फाहामनाय सोलोंथाइनि गोनांथिनि फारसे नोजोर होनानै गोदानै देहाफाहामसालि कलेज गायसननायनि गोनांथिया गोख्रों जानानै फैदोंमोन।

1959 मायथायाव रायजो सोरखारा नैथि देहाफाहामग्रा कलेज गायसननायनि लाहार फाहार खालामदोंमोन। उनाव सोरखारा गुवाहाटी आरो शिलचराव गनै देहाफाहामसालि कलेज गायसननायनि थिरांथा लायो। बै थिरांथा बादियै 1960 मायथाइनि 20 सेप्टेम्बरखालि गुवाहाटी देहाफाहामसालि कलेजखौ फसंथानारियै बेखेवनाय जायो आरो 1968 मायथाइयाव शिलचर देहाफाहामसालि कलेजखौ गायसननाय जायो।

गोलाउ फिननायनि सौनाय

सौं 1. असमीया भाषा उन्नति साधिनी सभानि बिफाव आरो
हाबाफारिनि सोमोन्दै लिर।

फिन : 1837 मायथाइनिफ्राय 1873 मायथाइसिम असमीया रावनि
आंगोथि रैखा आरो फरायसालि, अफिस-आदालताव बांला रावनि
बदलै असमिया रावखौ बाहायफिननायनि जा सोमावसारनाय
जागायदोंमोन, बे सोमावसारनाया आसामाव रावबिथायारि
हारिमायारि सांग्रांथि दानायाव गोबां बिहोथाइ होदोंमोन।

कलिकतायाव जौगा सोलोंथाइ लानो थांनाय असमीया सेंग्राफोरा
असमीया राव थुनलाइ जौगाहोनायनि थाखाय गोख्रों लामा
लाखाबायमोन। नाथाय जेब्ला बांला सेबखांसालियाव असमीया रावनि
गावनो गाव सालायनायनि सायाव गादबो बेखौ नुनानै बै समाव
कलिकतायाव थानाय आसामनि फरायसाफोरा असमीया राव आरो
थुनलाइ जौगाहोनायनि थाखाय खौसे जाफिननायनि खोथाखौ साननो
लायो। बे थांखियैनो 1888 मायथाइयाव 'असमीया भाषा उन्नति
साधिनी सभा' मुंनि गौथुम जोनोम जायो।

बे आफादा असमीयाफोरनि गेजेराव खौसेथि आरो
हारिमायारिबादनि खोथा सानखां होदोंमोन। असमीया रावनि मोनसे
गोख्रों बिगियानारियै जौगानायजों लोगोसे आसामनि गासैबो गुदि
फरायसालियाव गेबें आरो जौगाथाखोनि रावखान्थि बाहाय होनायनि
थाखाय हाबाफारि लादोंमोन। बेनि अनगायैबो बे आफादा आसामनि
मोनसे आबुं समाजारि जारिमिन लिरनाय आरो संस्कृत एबा गुबुन
गुबुन रावनि मख 'जाथाव बिजाबफोरखौ असमीया रावाव राव
सोलायनाय खामानिखौ मावनो लादोंमोन। बे आफादनि

नाजानायावनो सोरखारा हेमचन्द्र बरुवा साबसिन हामसिन मावथाइ
'हेमकष' फोसावनाय खामानिखौ आखाइयाव लादोंमोन।

'असमीया भाषा उन्नति साधिनी सभा' आ जारिमिन, हारिमु, थुनलाइ
आरो रावनि सोमोन्दै गावसोरनि गेजेराव गियानारि सावरायनायखौ
लाखिदोंमोन आरो फारियै आसामनि बायदि जायगायाव बेनि दालाय
गायसननो नाजादोंमोन। असमिया सेंग्राफोरा कलिकटा सोलोंथाइ
फोजोबनानै आसामाव फैना क'हिमा, तेजपुर, डिब्रुगड़, शिबसागर,
नगाव, ज'रहाट, बरपेटा, ग'वालपारा, गुवाहाटी बायदि जायगायाव बे
आफादनि दालाइ आफाद दानो थुलुंगाखांदोंमोन। मख 'जाथावदि बे
आफादजों दिहुनजानाय लाइसि 'ज'नाकी 'या आसामाव मोनसे
गोदान मुगा सोरजिदोंमोन।

सों 2. आसाम छात्र सन्मिलननि बिहोमानि सोमोन्दै लिर।

फिन : 1916 मायथाइयाव आसाम छात्र सन्मिलनखौ दानाय
जादोंमोन। बेयो फरायसाफोरनि मोनसे गौथुम आरो आसामनि
जारिमिनाव बे गौथुमखौ दानाया मोनसे मख'जाथाव जाथाइ। बे
फरायसा गौथुमनि गिबि जथुमाया लक्ष्मीनाथ बेजबरुवानि आफाद
दैदेननायाव गुवाहाटीयाव खुंजादोंमोन। बे गौथुमनि गुबै थांखिया
जादोंमोन असमीया रावनि जौगाहोनाय।

आसाम छात्र सन्मिलना आसामनि बायदि फरायसालि आरो
कलेजफोरनि फरायसाफोरजों रायज्जलायलायनानै मोनसे मोजां
सोमोन्दो गायसननो नाजादोंमोन। बे छात्र सन्मिलना गिबियाव
राजखान्थियारि सावरायनाय एबा राजखान्थियाव सांग्राडै
सरजाबफायाखैमोन, नाथाय उनाव हादरनि हारियारि
सोमावसारनायाव सांग्राडै बाहागो लायो। भारतनि उदांसि
सोमावसारनायनि हे फाजाबहोयि, आयेन मानिय मोसावसार

नायफोरव आसामाव फरायसाफोरखौ मैखोम बाहागो लानाय नुनो मोनो। हेफाजाबहोयि सोमावसारनायनि बिथिडाव आसामाव बे गौथुमनि फरायसाफोरानो सोमावसारनायनि लिंथुमग्रा, दैदेनग्रा आरो बाहागो लाग्रा जादोंमोन।

गुबुनारि फानजा मुवा गुबैयै जौ, आफिं, गुबुनारि ग 'ला फानथिंनाय मोखाडाव पिकेटिं खालामनाय, मेल खुंनाय, होनजा सुरनाय दिहुननाय बेफोर गासैबो खामानिखौ फरायसाफोरा आगदारि बिफाव लानानै मावदोंमोन।

1930 मायथाइयाव आसाम छात्र सम्मिलननि मोनसे जर 'खा जथुमायाव फरायसाफोरखौ आयेन मानियि सोमावसारनायाव गद आरो गोथोंयै दैदेननाय थांखियै विष्णुराम मेधिखौ आफादगिरि आरो बिजय चन्द्र भागवतीखौ नेहाथारि महरै लानानै मोनसे हाबा गथुम दानाय जादोंमोन। बे छात्र सन्मिलना कानिंहाम सार्कलारनि बेरेखा खालामदोंमोन। बिदिनो बे फरायसा सन्मिलना हारियारि गोरोबलायनाय आरो हारिमायारि सांग्रांथि बांहोनायनि अनगायैबो आसामनि सोलोंथाइ, थुनलाइ हारिमु सर्सि खालामनाय बिथिडाव बिहोमा होबोदों।

सों 3. रायत सभाफोरनि थांखि आरो बिफावनि सोमोन्दै लिर।

फिन : 19 जौथाइनि जोबनायथिं आबादारिनि बायदि जेंना सुस्रांनायनि थाखाय रायत सभानि जोनोम मोनदोंमोन। बिदि रायत सभानि मादाव दोंमोन 'तेजपुर रायत सभा' आगे 'नगाव रायत सभा'। बे रायत सभाफोर दानायाव गेजेर थाखोनि मानसिफोरा गाहाइ बिफाव लादोंमोन।

रायत सभाया आसामाव ब्रिटिस सोरखारनि बाहायनाय गोदान हा खान्धि आरो खाज 'ना खान्धिनि हेंथा होदोंमोन। बे रायत सभाफोरनि गुबै थांखिया जाबाय ग्रेजिं खाजोना बन्द खालामनाय, हानि खाजोना बांनायखौ खमायनाय आरो बंगनिफ्राय हाबफैनायखौ होबथानाय। बबेखानि 1861-1893 मायथाइयाव सोरखारा आसामाव हानि खाजोना बांहोनायनि हेंथायाव सा-कामरुपनि रडिया, लसिमा, सर्थेबारि आरो दरं जिला बेन्दोडाव थानाय पथरुघाट आबादारि बिग्रायनायाव बे रायत सभाया जेबो बाहागो लायाखैमोन।

लेनथारियै खायसे बोसोर रायत सभाफोरा सिरि थानायनि उनाव 1930-34 मायथाइनि आयेन मानियि सोमावसारनायनि समाव आसाम प्रदेश कंग्रेछ कमिटिनि दैदेननायाव बे रायत सभाफोरा सांग्रां जाफिनदोंमोन। नदुवार, सयदुवार, शिबसागर आरो दरंआव गोदान रायत सभा दाजादोंमोन। आयेन मानियि सोमावसारनायनि समाव रायत सभाफोरा 50 जौखोन्दो हानि खाजोना खमायनायनि दाबि दैखांदोंमोन।

रायत सभाफोरखौ सांग्रां आरो गोहो गोनां खालामसिननो थाखाय मोनसे मिरुवारि आफाद 'दुलाराय आसाम रायत सभा' 1933 मायथाइयाव दानाय जायो। बिदिनो 1934-39 मायथाइनि गेजेराव आसामाव अजायै 300 रायत सभा दानाय जादोंमोन। आयेन मानियि सोमावसारनायनि समाव कंग्रेछ दैदेनगिरिफोरनि नाजानायाव आबादारिफोरा रायत सभानि फिरफिलानि सिङाव ज' जादोंमोन आरो सोरखारनि हानि खाजोना बांहोनायनि बेरेखायै हेंथा होलांबाय थादोंमोन।

सों 4. ज'रहाट सार्वजनिक सभानि थांखि आरो हाबाफारिनि सोमोन्दै लिर।

फिन : 1884 मायथाइयाव जगन्नाथ बरुवानि दैदेननायाव ज 'रहात सार्वजनिक सभाखौ गायसननाय जायो। आफादनि गायसनगिरि आफादगिरिया राजा नारायण सिंह एबा माजु मेलीया राजा आरो नेहाथारिया जगन्नाथ बरुवा। बे आफादानो आसामनि गिबि रायजोयारि राजखान्थियारि फसंथान। बे आफादनि गुबै थांखिफोरा जाबाय-

(i) राइजोनि मिजिंथिनाय, लुबैनायनि सोमोन्दै सरखारनो मिथिहोनाय।

(ii) सरखारनि थांखि आरो खान्थिखौ सरसनस्रा सुबुंनो मिथिहोनाय।

(iii) सरसनस्रा सुबुंफोरनि थासारि जौगाखांहोनाय।

बे आफादा थोंजों सोरखारजों मोगा-मोगि जायाखैमोनब्लाबो नाथाय सरखारनि गाज्जि खान्थिनि बेरेखायै गोख्रोडै खोथा बुंदोंमोन। बे बिथिडाव आफाद लानाय माखासे मख 'जाथाव हाबाफारिफोरखौ गाहायाव मख 'नाय जावाय-

(i) 1886 मायथाइनि सोरखारनि हा-खाजोना खान्थिनि बेरेखायै गोख्रों हेंथा होदोंमोन।

(ii) 1892-93 मायथाइयाव आफादा आबादारि समाजजों लोगोसे जवै खाजोना बांहोनायनि हेंथा होदोंमोन।

(iii) 1893 मायथाइयाव आफादा राजकीय कानि आय 'गनि सेराव गांसे गोसोखां बिलाइ होनानै आसामनिफ्राय कानि बाहायनायखौ फारियै फोजोबनो खावलायदोंमोन।

बे ज'रहाट सार्वजनिक आफादा 1905 मायथाइनि बंग
सोखावनायखौ गोख्रों हेंथा खालामदोंमोन। सोरखारा जेब्ला
आसामखौ सानजा बंगजों सरजाबो अब्ला बे आफादा बे गोदान
हादरसायाव असमीया सरासनस्रा सुबुंफोरनि मोनथाइ सरखा
खालामनो दाबि खालामदोंमोन। ज'रहाट सार्वजनिक सभाया
(आफाद) होरलां-होरथाडैब्लाबो 1921 मायथाइसिम जोरनानै
दंमोन।

सों 5. आसाम प्रदेश कंग्रेछ कमिटिनि जोनोम आरो गुबै बिफावनि
सोमोन्दै सुंद' फोरमायथि हो।

फिन : 1885 मायथाइनि दिसेम्बराव भारतारि हारिमायारि कंग्रेछखौ
दानाय जादोंमोनब्लाबो 1920 मायथाइसिमहालागि आसामाव
हादरारि कंग्रेछ कमिटि दानो हानाय जायाखैमोन। भारतारि
हारिमायारि कंग्रेछनि खायसे हाबाफारिफोरखौ आसाम
एस'सियेसननानो मावबोदोंमोन। हारिमायारि कंग्रेछनि दैदेननायाव
जानाय 1920 मायथाइनि हेफाजाबहोयि सोमावसारनायाव आसाम
एस'सियेसना बाहागो लानानै लासे लासै दुलाराय भारतारि
राजखान्थिनि फारसे दावगालांदोंमोन।

बिदि खाबुखौ लानो थाखायनो गौथुमनि खावसे दैदेनगिरि मावथिया
आसाम एस'सियेसनखौ कंग्रेछनि हादरसायारि कमिटिसिम
सोलायनो नाजादोंमोन नाथाय माखासेया बेनि हेंथा होदोंमोन। थेवबो
गोबां मावथिफोरानो भारतारि हारिमायारि कंग्रेछनि मावनाय दांनाय
एबा आदर्श बिखान्थिजों गोसो बोगथाबजानानै आसाम
एस'सियेसनखौ कंग्रेछजों सरजाबनायनि थांखियै 1921 मायथाइनि
18 एप्रिलाव ज'रहाटाव मोनसे जर'खा जथुमा खुंनाय जायो। उनाव बे
बोसोरनिनो थामहिनबा 1921 मायथाइनि 5 जुनखालि आसाम
हादोरसा कंग्रेछ कमिटिखौ दानाय जायो। आसाम हादोरसा कंग्रेछ

कमिटिनि गिबि आफादगिरिया कुलधर चलिहा आरो नेहाथारिया नबीन चन्द्र बरदलै।

हादरसायारि कंग्रेछ कमिटि दाखांजानायनि उनाव बे कमिटिनि बिफावाबो जोबोद मख 'थावना। आसाम हादरसा कंग्रेछ कमिटिनि दैदेननायाव 1921 मायथाइयाव महात्मा गान्धीखौ आसामाव हे फाजाबहोयि सोमावसारनायखौ फोस्रावनो लाबोनाय जादोंमोन गान्धीनि आसाम दावबायनाया गोदानै दाजानाय कंग्रेछनि मावथिफोरनि गेजेराव जावरिखांहोदोंमोन।

1926 मायथाइयाव गुवाहाटीनि पाण्डुवाव भारतारि हारिमायारि कंग्रेछनि 41 थि बोसोरसालिया जथुमाखौ आसाम हादोरसा कंग्रेछ कमिटियानो खुंफुंना हरनाय जायो। 1946 मायथाइनि सरासस्त्रा बिसायखथियाव कंग्रेछ अनजिमा गोबां मोननानै सरखार दायो आरो गिबि गाहाइ मन्थि महरै सायख जायो ग 'पीनाथ बरदलैया। केबिनेट मिसना आसाम आरो सा सानजाखौ सानजा बंगजों सरजाबनानै 'ग ग्रुप' आव सोफादेरनो नागिरदोंमोन। नाथाय बरदलैनि दैदेननायाव जानाय सोमावसारनायनि जाउनाव आसामखौ 'ग ग्रुप' आव सोफादेरनो हायाखिसै।

सों 6. गावहादरारि सोमावसारनायाव आसामनि बिहोमानि सोमोन्दै लिर।

फिन : लर्ड नेथानियेल कार्जना बंग हादोरखौ खावनै बाहागोआव बोखावनानै बाहागोसेखौ आसामजों सरजाबनानै 'सानजा बंग आरो आसाम' मुंनि गंसे हादरसा दायो। बंगखौ खावनै खालामनायनि फिनजाथाय महरै बंग हादरनि सुबुंफोरा गावहादरारि सोमावसारनाय जागायदोंमोन।

आसामनि गिबि रायजोआरि राजखान्धियारि फसंथान ज'रहाट
सर्बजनिक सभाया 1905 मायथाइनि बंग सोखावनायखौ गोख्रों हैंथा
होदोंमोन।

आसाम एस 'सियसनाबो बंग सोखावनायनि गो बेरेखा
खालामदोंमोन। बंग सोखावनायनि हैंथायै आसामखौ सानजा
बंगनिफ्राय जुदा खालामनो 1907 मायथायाव एस 'सियेसना
सोरखारनो गोसोखां बिलाइ होदोंमोन।

बंग सोखावनायनि फिथाय महरै सोमजिनाय गावहादरारि
सोमावसारनाया आसामसिमबो गोसारफैदोंमोन। गुबैयै बुरलुंबुथुर
हायेनाव बे सोमावसारनायनि गोहोम गोलैदोंमोन। आसामकेशरी
अम्बिकागिरि रायचौधुरी आरो ग 'बिन्द लाहिड़ीया गुवाहाटीनि
फरायसाफोरनि गेजेराव बिग्रायारि गौथुम दादोंमोन। बिथांमोना
आसामनि जिलाफोराव गाव हादरारि मुवा बाहायनायनि थाखाय
फोसावदोंमोन। बे खोथाखौ मिथि मोननानै आसामनि मानसिफोरा
संख्रैनि सोलाय खारदै, गुबुन हादोरारि सेनिनि सोलाय बेनारसनि
सेनि, गुबुन हादोरारि जिनि सोलाय इन्दि, मुगा, खुन आरो खादी जि
बाहायदोंमोन।

गुवाहाटीनि हानजासे फरायसाफोरा जाहाज गाथोनाव खुलिनि
खामानि मावनानै खामायनाय रांखौ गावहादोरारि सोमावसारनायनि
थुबिलाव हरदोंमोन। अम्बिकागिरिया 'बन्दिनी भारत 'मुंनि गांसे
बिग्रायारि थुनफावथाइ लिरना सोमावसारनायखौ गोख्रोंसिन
खालामनो नाजादोंमोन। 1906 मायथाइनि सेप्टेम्बरखालि आसामनि
सोमावसारगिरिफोरा ब्यामफिल्ड फुलारखौ बुथारनो गुवाहाटी सिलं
लामागाव बमा फबदोंमोन। फिथाइ बादियै अम्बिकागिरिखौ 1914
मायथाइसिम बरपेटायाव इसिडारि खाजानाय महरै दोनदोंमोन।
बबेखानि बे सोमावसारनायखौ जानगारना लाखिनो थाखाय ब्रिटिस

सरकारा सरासनस्रा सुबुंनि मोजांनि थाखाय बुरलुंबुथुर हायेनाव
माखासे खामानि मावनो लादोंमोन। 'सुरमा भेलि एस' सियेसन 'नि
दैदेननायाव सुरमा सेरफाडावबो बे गावहादरारि सोमावसारनाया
बजबजादोंमोन।

सों 7. हेफाजाबहोयि सोमावसारनायाव आसामनि बिफावनि सोमोन्दै
लिर।

फिन : भारतनि उदांसि सोमावसारनायनि जारिमिनाव हेफाजाबहोयि
सोमावसारनाया मोनसे मख' जाथाव आयदा। बे सोमावसारनाया
1920 मायथाइनिफ्राय 1922 मायथाइसिम सोलिदोंमोन। गान्धीनि
गोख्रों दैदेननायाव बे सोमावसारनाया अहिंसा खान्थिजों
सालायजादोंमोन। महात्मा गान्धीनि हांखायनायाव दुलाराय हादोरा बे
सोमावसारनायाव बाहागो लादोंमोन।

नाथाय आसामनिफ्राय आसाम एस 'सियेसना सोमावसारनायाव
बाहागो लांगोन ना लाया थि नाडोमोन। बबेखानि उनाव (1921
मायथाइ) बाहागो लानायनि थिरांथा लायो आरो सोमावसारनायनि
मददाव कंग्रेछनि नेम आरो बिथोन मानिना सोलिनो थिरांथायाव
फैदोंमोन।

1921 मायथाइयाव महात्मा गान्धीया आसामाव फैनायाव बे
सोमावसारनाया जोबोर बजबजादोंमोन। गान्धीनि बिबुंसारनि
जथुमायाव आसामनि गोबां मानसिफोरा बाहागो लादोंमोन। गान्धीनि
हांखायनाय बादियै आसामनि सरासनस्रा सुबुंफोरा गुबुन हादोरारि
जि नागारनाय सोमावसारनायाव बाहागो लानानै गुबुनारि जिखौ
दामोल खालामनानै सावनानै बेफोरखौ बिदाय होदोंमोन।

चन्द्रनाथ शर्मा, हेमचन्द्र बरुवा, अमियकुमार दास, मुहिबुद्दिन
आहम्मेद बायदिया फरायसाफोरखौ दैदेनदोंमोन। बिसोरनि
हांख्रायनाय बादियै आसामनि सेंग्राफोराबो सोरखारि फरायसालि
गारनानै बे सोमावसारनायाव बाहागो लादोंमोन। बिसोरनि
मख'जाथाव बाहागो लागिरीफोरा जाबाय लक्ष्मीधर शर्मा, र 'हिनी
कान्त हातीबरुवा, बिमला कान्त बरुवा, कनक चन्द्र बरुवा बायदि।

नबिन चन्द्र बरदलै, कुलधर चलिहा, तरुन राम फुकन बायदि
उकिलफोराबो उकिलगिरि नागारनानै सोमावसारनायाव बाहागो
लादोंमोन। गोबां सरखारि साख्रि मावग्रा आरो फोरोंगिरिफोराबो
गावबा गाव बिबान एंगारनानै सोमावसारनायाव बाहागो लादोंमोन।

आसामाव बे सोमावसारनाया कानि बाहायनायखौ होबथानायजोंबो
जागायदोंमोन। कंग्रेछ मावथि आरो फरायसाफोरा गोख्रोडैकानि
बाहायनायखौ बन्द खालामनायनि थाखायनो कानि फाननाया
खमायलांदोंमोन आरो बेनि जाउनाव सरखारनि आयाबो
हायलांदोंमोन।

साहा बागाननि दांसाफोरनिफ्रायबो बे सोमावसारनाया मदद
मोनदोंमोन। थाद थादवैब्लाबो दांसाफोरा माखासे हरताल
फालिनायजों लोगोसे खामानि मावालासे थानानै जेंना
सोरजिहोदोंमोन।

हेफाजाबहोयि सोमावसारनाया आसामाव खायसे दाथायारिबो
खामानि मावदोंमोन। गुवाहाटी, नलबारी, ज'रहाट, तेजपुर,
शिवसागर बायदि जायगायाव हारिमायारि सोलोंसालि गायसननाय
जादोंमोन। गुवाहाटीयाव गायसनजानाय गिबि हारिमायारि
सोलोंथायखुलिया 'तिलक गोसोखां स्कूल'। गुबुन मोनसे मख 'जाथाव

दाथारिनि खामानिया जादोंमोन खादीनि बाहायनायखौ बयजोंबो
बजबजानाय आरो दिहुनथाइखौ बांहोनाय।

सों 8. आयेन मानियि सोमावसारनायाव आसामनि बिफावनि सोमोन्दै
लिर।

फिन : भारतनि उदांसि सोमावसारनायनि जारिमिनाव आयेन मानियि
सोमावसारनाया गान्धीजों दैदेनजानाय नैथि राजखान्थियारि
सोमावसारनाय। ब्रिटिस सरकारनि खुंथाइ खान्थिखौ सोलियि
खालामनो माखासे थि आयेनफोरखौ मानियियानो बे
सोमावसारनायनि थांखिमोन। 1930 माय थाइनि 12 मार्सनि 'संख्रि
सत्याग्रह' एबा 'दाण्डि जात्रा' जों बे सोमावसारनाया जागायदोंमोन।
गान्धीया सा 78 लोगोफोरखौ लाफानानै सवरमती आस्रमनिफ्राय
डाण्डिनि लैथो सेरसिम 240 फ्राम माइल गोजान दावबायना 'संख्रि
दिहननानै 'संख्रि आयेनखौ सिफायदोंमोन। गोख्रै बे सोमावसारनाया
गासै हादरावनो गोसारो।

आसामाव हेमचन्द्र बरुवा, महम्मद तेयाबुल्ला, विष्णुराम मेधि,
अम्बिकागिरि रायचौधुरीमोननि दैदेननायाव गुवाहाटीनि जर्ज
गेलेग्राफोथाराव बयबो ज' जानानै गान्धीनि संख्रि सत्याग्रहनि फारसे
गनायथि होदोंमोन। गान्धीनि दाण्डि जात्रायाव आसामनि फ्राय
लीलाधर बरुवाया बाहागो लादोंमोन। बबेखानि लाहोर कंग्रेछनि
थिरांथायाव गोरोबनो हायिनि थाखाय हादोरसा कंग्रेछ दैदेनगिरि
तरुणराम फुकन, र 'हिनि कुमार चौधुरी, नबीन चन्द्र बरदलै
मोनबादिया आयेन मानियि सोमावसारनायनिफ्राय आनज्रायना
थादोंमोन। बेबादि थामिनाव कंग्रेछखौ गोख्रों खालामनाया गोनांथार
जाना फैदोंमोन। बिष्णुराम मेधी, महम्मद तौयाबुल्ला आरो
अम्बिकागिरि रायचौधुरी मोनहा कंग्रेछनि गौथुमारि खामानिखौ

दैदेनदोंमोन। सोमावसारनायनि बिथिंखौ नायनो गोबां 'गोदान कमिटि
आरो लेडाइ कमिटि' दानाय जादोंमोन।

अमिय कुमार दासबादि सेंग्रा दैदेनगिरिया फरायसाफोरखौ
सोमावसारनायाव बाहागो लानो खावलायदोंमोन। नाथाय
फरायसाफोरनि बाहागो लानाया गोसो गोजोनथाव नाडामोन।
बबेखानि बै समनि आसामनि सोलोंथाइगोरा जन रिसार्ड कानिंहामनि
फोसावनाय। 'कानिंहाम सार्कुलारा' फरायसाफोरखौ
सोमावसारनायाव बाहागो लानोसो बाध्य खालामदोंमोन। कानिंहाम
सार्कुलारा फरायसाफोरखौ सोमावसारनायाव बाहागो
लायिनिसोमोन। नाथाय फरायसाफोरा फरायसालि नागारनानै
सोमावसारनायाव बारसोमदोंमोन। जाउनाव आसामाव आयेन
मानियि सोमावसारनाया गोसारदोंमोन।

आसाम छात्र सन्मिलना गावसिनि बिखान्थि आरो हाबाफारिनि
सोमोन्दै सावरायनो थाखाय गुवाहाटीयाव मोनसे जरखा आफाद
खुडो। बिसोर बे आफादनि जोहै सोरखारि सोलोंसालिफोरखौ
गारनायनि थिरांथा लायो। जाउनाव 1930 मायथाइनि जुलाय आरो
आगष्ट दानाव सा 15, 186 फरायसाफोरनि सा 3117 फ्राम
फरायसाफोरा सोलोंसालि नागारदोंमोन। फरायसाफोरा कानि आरो
जौनि दखान बन्द खालामनाय जादोंमोन। 50 जौखौन्दो हानि खाज
'ना खमायनायनि दाबिजों आबादारिफोरखौबो सोमावसारनायाव
सरजाबदोंमोन।

**सों 9. आसामाव भारत एंगारनाय सोमावसारनायनि हाबाफारि आरो
गोहोमनि सोमोन्दै मोनसे फोरमायथि लिर।**

फिन : भारतनि उदांसि सोमावसारनायाव भारत एंगारनाय
सोमावसारनाया मोनसे मंख 'जाथाव खोन्दो। गान्धी आरो कंग्रेछ

हानजानि गुबुन दैदेनगिरिफोरनि गोसोयाव साननाय फैदोंमोनदि
भारताव ब्रिटिसफोरनि थामोनथाया जापानीफोरखौ भारत गाग्लोबनो
थुलुंगा होगोन। गाहायै जेब्ला क्रिपस मिसननि बिथांखियाव दावहानि
उनाव भारतनि 'आबु उदांसि' नि खोथा गैयामोन अब्लानो
हारिमायारि कंग्रेछा 1942 मायथाइनि 8 आगष्ट खालि 'भारत
एंगारनाय सोमावसारनाय' फोसावदोंमोन। गान्धीया गावनि गोख्रों
बिबुंथि 'मावगोन नडाबा थैगोन' स्ल'गानजों सरासनस्रा सुबुंफोरखौ
हांखायदोंमोन। बे सोमावसारनायाव गासै हादरनि सुबुंफोरा गोसो
दुखांनानै बाहागो लादोंमोन।

भारतनि गुबुन गुबुन जायगानि बादि आसामनि कंग्रेछ मावथि आरो
सरासनस्रा सुबुंफोरा बे भारत एंगारनाय सोमावसारनायाव
बारसोमदोंमोन। सोमावसानायखौ सरखारनि दबथायनाय आरो
दैदेनगिरिफोरखौ खानानै जेलाव थिसन हरनायफोरा
सोमावसारनायखौ गोख्रोंसिनसो खालामदोंमोन। गिबियाव आसामाव
बे सोमावसारनाया अहिंसा खान्थिजों हरताल, पिकेटिं, हान्जादिनाय
आरो सुबुं गौथुमनि गेजेरजों जागायजेनदोंमोन। नाथाय जेब्ला जेलाव
थानाय दैदेनगिरिफोरनि सायाव पुलिसनि साजाया बांद्राय
जालांदोंमोन अब्ला सोमावसारनाया हिंसायारि महर लादोंमोन।

सरखारि न 'बां-जेरै डाक बांला, पुलिस थाना, सरखारि मावख
'सालिफोर बादिखौ फोजोबस्रांनाय, रेललामा आरो रेलगारि
खोलैनाय, मिलिटारिनि हाथियार रोगानाय लामा गाज्रि खालामना
होनाय, टेलिफन आरो टेलिग्राफनि लाइन दानस'ना होनाय बायदि
हिंसायारि हाबाफारि लानाय जादोंमोन। मुंथियै नगाव आरो दरं
जिलायाव सोरखारि न बां बुफायनाय जादोंमोन। हबिगन्जनि साहाबि
बाजार, ग'लाघाट बरपथार, कामरुपनि पानबारि, रडिया आरो
शिवसागरनि चाफ्रायाव रेल खोलैनाय खामानि मावनाय जादोंमोन।

ब्रिटिस सरखाराबो बे सोमावसारनायखौ दबथायनो नाजादोंमोन।
दायगैयि मानसिफोराबो पुलिसनि साजा मोनदोंमोन आरो कंग्रेछनि
दैदेनगिरिफोरखौ बाहेरा मुलुगजों सोमोन्दो लाखिनो मोनि
खालामदोंमोन। बरपथाराव रेल खोख्लैनायनि दायाव कुशल
क'वरखौ फासि होनाय जादोंमोन। आसामनि दाब दाब जायगायाव
पुलिसनि गुलि गावनायाव खमैबो सा' 27 मानसि मुंख्लं जादोंमोन।
गोबां मानसि जेल जानादोंमोन। गहपुरनि पुलिस थानायाव फिरफिला
दैखांनो थांनायाव 14 बैसोनि सिख्लासा कनकलता बरुवाया पुलिसनि
गुलियाव थैनादोंमोन।

भारत एंगारनाय सोमावसारनाया थारै मोनसे गिदिर सोमावसारनाय।
साम्राज्यबादि ब्रिटिस सरखारा गोबां दैदेनगिरिफोरखौ नैथि मुलुग
दावहा जोबनायालासि जोबथेना दोनदोंमोन। बबेखानि जेलनि
बाहेराव थानाय माखासे दैदेनगिरिफोरा थाखुमानानै थाना
सोमावसारनायखौ दैदेनलांनो नाजादोंमोन। आसामाव थाखुमानानै
गौथुमनि दैदेननाय बिबानखौ लादोंमोन शंकरचन्द्र बरुवा, महेन्द्र नाथ
हाजरिका, ज्य 'तिप्रसाद आगरवाला, लक्ष्मी प्रसाद ग 'स्वामी,
ब्रजनाय शर्मा आरो गहन चन्द्र ग 'स्वामीमोनहा 1943 मायथाइयाव
बजाली ओनसलावनो मोन 32 थाखुमारि गौथुमनि खुलि गायसननाय
जादोंमोन।

ब्रिटिसनि समानै सरखार दानायाबो खायसे दैदेनगिरिफोरनि गुबै
हाबोमोन। आसामनि बजाली, ढकुवाखाना, रहा, जामुगुरि, बाहजानी
बायदि जायगायाव सोमावसारग्राफोरा गामि पन्सायत दानानै
जायगारि खुंथाइ गामिफोरनि आखाइयाव दैखांना होदोंमोन। बे
सोमावसारनाया फेलें जानायाव गोबां हारिमायारि दैदेनगिरिफोरा
गोसो बायदोंमोन।

सों 10. बरदलै मन्थि आफाद दैदेननायाव आसामाव गायसन जानाय
सोलोंसालिफोरनि सोमोन्दै लिर।

फिन : 1946 मायथाइनि 11 फेब्रुवारियाव आसामाव ग 'पीनाथ
बरदलैनि दैदेननायाव कंग्रेछ हानजाया मन्थि आफाद दायो। गाहाइ
मन्थि (उनाव गिबि मन्थि) बरदलैनि मन्थि आफादा हादर उदांसि
मोननायनि उनाव गोबां जेनाजों मोगो मोगि जानांगौ जादोंमोन। थेवबो
बिथांनि मन्थि आफादनि दैदेननायाव आसामाव गायसनजानाय
सोलोंसालिफोरनि सोमोन्दै सुंद 'वै सावरायनाय जाबाय।

(क) आसाम आबाद मुलुग सोलोंसालि : करिमगन्ज आरो
तिताबराव गायसनजानाय आबाद बिजिरसं खुलियानो आसाम
आबाद मुलुगसोलोंसालि गायसननायनि जागायजेननाय बुंनो हायो। बे
खुलिफोरनि बिजिरसं आरो ट्रेइनिंफोरनिफ्राय मोनथिना
मोनदोंमोनदि आबाद आरो जुनार कलेजनि आलादा आलादा
फसंथान नांगौ। बेखौ नोजोर होनानैनो 1948 मायथाइयाव नगावाव
आसाम जुनार कलेज आरो ज'रहाटाव आसाम आबाद कलेज
गायसननाय जायो। बे गंनै कलेजखौ लाफानानै 1969 मायथाइयाव
ज'रहाटाव आसाम आबाद मुलुगसोलोंसालि गायसननाय जायो आरो
जुनार फाहामग्रा कलेजखौ नगावनिफ्राय गुवाहाटीनि खानापारासिम
दोरोदहोनाय जायो।

(ख) गौहाटी (गुवाहाटी) मुलुगसोलोंसालि : गौहाटी
मुलुगसोलोंसालिया जाबाय-सा-सानजा भारतनि बयनिखूइबो
गोजामसिन आरो गिबि रायजोआरि मुलग सोलोंसालि। बे
मुलुगसोलोंसालिखौ 1948 मायथाइनि 26 जानुवारिखालि
गायसननाय जायो। 1917 मायथाइयावनो कलिकता मुलुग
सोलोंसालि आय 'गनि आफादगिरि सार माइकेल सेडलारा गुवाहाटी
एबा आसामाव गोरलैयैनो मुलुग सोलोंसालि गायसननो हानायनि

बाथ्रा बुंखादोंमोन। बै बोसोरनिनो दिसेम्बर दानाव शिबसागराव
खुंजानाय आसाम एस 'सेयेसननि बोसोरारि आफादाव गंसे मुलुग
सोलोंसालिनि थाखाय रायजोफोरा दाबि दैखांदोंमोन।

उनाव सरखारा ड० सुर्य कुमार भुजाखौ जर 'खा मावगिरि महरै
थिसननानै 1946 मायथाइयाव नांगौबादि खारिथि (तथ्य) बुधुमनो
आरो जायगा नागिरनो होदोंमोन। आसाम सरखारनि गुवाहाटी मुलुग
सोलोंसालि नेमखान्थि 1947 नि सिङाव 1948 मायथाइयाव गुवाहाटी
मुलुग सोलोंसालिखौ गायसननाय जायो। गायसननाय समाव बिनि
सिङाव गं 17 कलेज आरो मोन दाइन (8) बिफान दंमोन। नोगोरमा
मिरुनिफ्राय हाबाफारि जागायनाय मुलुग सोलोंसालिया उनाव
1955-56 मायथाइयाव दानि जालुकबारिनि केम्पासाव लाबोनाय
जायो। आथिखालाव मुलुग सोलोंसालिनि केम्पासखौ ग 'पीनाथ
बरदलै नोगोर मुडै मिथिजाबाय।

(ग) आसाम देहाफाहामग्रा कलेज : ड० जन बेरी ह 'वाइटनि रां
अनसुंथाइजों 1900 मायथाइयाव डिब्रुगड़ाव 'बेरी ह 'वाइट मेडिकेल
स्कुल' गायसननाय जादोंमोन। नैथि मुलुग दावहानि उनाव बे
मेडिकेल स्कुलखौ खाथिनिनो देहाफाहामसालिनि केम्पासाव लानानै
थांदोंमोन आरो बेखौ दावहानि समाव आमेरिकानि सान्त्रिफोरा
बाहायदोंमोन। हादोरा उदांसि मोननायनि उनाव 1947 मायथाइनि 3
नबेम्बरखालि बे स्कुलखौ फसंथानारियै 'आसाम देहाफाहामसालि
कलेज' मुं होनाय जायो। देहाफाहामनाय आरो देहाफाहामनाय
सोलोंथाइनि गोनांथिनि फारसे नोजोर होनानै गोदानै देहाफाहामसालि
कलेज गायसननायनि गोनांथिया गोख्रों जानानै फैदोंमोन।

1959 मायथाइयाव राइजो सरकारा नैथि देहाफाहामग्रा कलेज
गायसननायनि लाहार फाहार खालामदोंमोन। उनाव सरखारा
गुवाहाटी आरो शिलचराव गंनै देहाफाहामसालि कलेज

गायसननायनि थिरांथा लायो। बे थिरांथा बादियै 1960 मायथाइनि 20 सेप्टेम्बरखालि गुवाहाटी देहाफाहामसालि कलेजखौ फसंथानारियै बेखेवनाय जायो आरो 1968 मायथाइयाव शिलचर देहाफाहामसालि कलेजखौ गायसननाय जायो।

उफ्रा सोंनाय फिननाय

गुसुं फिननायनि सोंनाय:

सों 1. इयाण्डाबु गोरोबथाया माब्ला जादोंमोन?

फिन : इयाण्डाबु गोरोबथाया 1826 मायथाइनि 24 फेब्रुवारिखालि जादोंमोन।

सों 2. इयाण्डाबु गोरोबथाया सोर सोरनि गेजेराव जादोंमोन?

फिन : इयाण्डाबु गोरोबथाया इंराज आरो बार्मिजफोरनि गेजेराव जादोंमोन।

सों 3. 1857 मायथाइयाव आसामनि सोर सोर ज्ञानप्रदायिनी आफाद गायसनदोंमोन?

फिन : आनन्दराम ढेकियाल फुकन आरो गुणाभिराम बरुवा।

सों 4. 'असमीया लिटारेरी ससाइटी' खौ सोर सोरनि दैदेननायाव दाजादोंमोन?

फिन : देबीसरन बरुवा आरो गुण ग 'बिन्द फुकन।

सों 5. ज'नाकी लाइसिनि गिबि सुजुगिरिया सोर?

फिन : चन्द्रकुमार आगरवाला।

सों 6. आसाम फरायसा सन्मिलना माब्ला गायसन जादोंमोन?

फिन : 1916 मायथाइ।

सों 7. आह 'म सभानि नेहाथारि महरै सोर 40 बोसोरफ्राम दोंमोन?

फिन : पद्मनाथ ग 'हाइ बरुवा।

सों 8. ज'रहाट सार्वजनिक सभानि मोनसे थांखि लिर।

फिन : ज'रहाट सार्वजनिक सभानि मोनसे थांखिया जाबाय-रायजोनि मिजिंथिनाय, लुबैनायनि सोमोन्दै सोरखारनो मिथिहोनाय।

सों 9. आसाम एस 'सियेसननि गिबि आफादगिरिया सोर?

फिन : आसाम एस 'सियेसननि गिबि आफादगिरिया राजा प्रभात चन्द्र बरुवा।

सों 10. हारिमायारि कंग्रेछ माब्ला गायसन जादोंमोन?

फिन : 1885 मायथाइ, दिसेम्बर।

सों 11. आसाम हादरसा कंग्रेछ कमिटिनि गिबि आफादगिरि आरो नेहाथारिया सोर?

फिन : आसाम हादरसा कंग्रेछ कमिटिनि गिबि आफादगिरिया कुलधर चलिहा आरो नेहाथारिया नबीन चन्द्र बरदलै।

सों 12. आसाम केशरी सोरखौ बुंनाय जायो?

फिन : अम्बिकागिरि रायचौधुरी।

सों 13. 'बन्दिनी भारत' मुनि बिग्रायारि थुनफावथाइखौ सोर लिरदोंमोन?

फिन : 'बन्दिनी भारत' मुनि बिग्रायारि थुनफावथाइखौ अम्बिकागिरि रायचौधुरीया लिरदोंमोन।

सों 14. गान्धीनि 'संखि सत्याग्रह' एबा दाण्डिजात्रायाव आसामनिफ्राय सोर बाहागो लादोंमोन?

फिन : लीलाधर बरुवा (बै समाव कलिकता सि.टि. कलेजनि फरायसा)

सों 15. आसाम हादरसा कंग्रेछ कमिटिनि फसंथानारियै सायख 'जानाय गिबि आफादगिरिया सोरमोन?

फिन : बिष्णुराम मेधी।

सों 16. गोदानै दाजानाय 'सानजा बंग आरो आसाम' हादरसानि गबर्णर मासियाव सोर थिसनजादोंमोन।

फिन : गोदानै दाजानाय 'सानजा बंग आरो आसाम' हादरसानि गबर्णर महारै ब्यामफिल्ड फुलारखौ थिसननाय जादोंमोन।

सों 17. इंराजा फोसावनाय गोदानारि सोलोंथाइया भारतारि समाजाव
खोलैनाय मोननै गोहोम लिर।

एबा

भारताव इंराजा फोसावनाय गोदानारि सोलोंथाइनि मोननै फिथाइ
लिर।

फिन : इंराजा फोसावनाय गोदानारि सोलोंथाइया भारतारि समाजाव
खोलैनाय मोननै गोहोमा जाबाय—

(i) गोदानारि सोलोंथाइया भारतारि मानसिफोरखौ गावसोरनि
हारियारियै सोलि बोनाय दोरोंफोरखौ मोनसे सावरायथाइयारि
नोजोरजों बिजिरना नायनो गोसो थुलुंगा होदोंमोन।

(ii) बे सोलोंथाया 19 जौथाइनि जोबनायथिं भारतबर्षयाव मोनसे
हारियारि सांग्रांथि जावरिखां होनायाव बिहोमा जगायदोंमोन।

सों 18. भारताव इंराजी सोलोंथाइ फोसावनायनि (बाहायनायनि)
मोनथाम फिथाय लिर।

फिन : भारताव इंराजी सोलोंथाइ फोसावनायनि मोनथाम फिथाइया
जाबाय—

(i) इंराजी सोलोंथाइया भारतारिफोरखौ सोनाबारि गोदान साननाय
ह'नायजों सिनायथि खालामनानै होयो।

(ii) मोगथां जुक्तियारि साननाय ह 'नाया भारतारि समाजनि गाज्जि फोसाबनाय आरो खोमसि फोथायनायफोरखौ जानगार होनायाव हेफाजाब होयो।

(iii) बेयो भारतारिफोरनि गोसोआव गोदान जावरिखांनाय सोमजिहोनायाव हेफाजाब होयो।

सों 19. 'असमीया लिटारेरि स 'साइटि 'खौ माब्ला गायसननाय जादोंमोन आरो बेनि गाहाइ थांखिया मा?

फिन : 'असमीया लिटारेर स'साइटि 'खौ 1872 मायथाइयाव गायसननाय जादोंमोन। बेनि गाहाइ थांखिया जाबाय थुनलाइ ससा खालामनाय।

सों 20. 1872 मायथाइयाव 'असमीया लिटारेरी स 'साइटि' नि जानानै भाइसरय लर्ड नर्थब्रुकनो गोसोखां लाइनि मोननै दाबि रायखां।

फिन : 1872 मायथाइयाव असमीया लिटारेरी ससाइटिनि जानानै नर्थब्रुकनो होनाय गोसोखांलाइनि मोननै दाबिया जाबाय—

(i) आसामनि मिथिंगायारि सम्पद जौगाहोनाय।

(ii) आसाम आरो बंगनि गेजेराव रेल सालायहोनो थाखाय नांगौबादि राहा लानाय।

सों 21. ज 'नाकी लाइसिखौ माब्ला बबेयाव दिहुननाय जादोंमोन?

फिन : ज'नाकी लाइसिखौ 1889 मायथाइयाव कलिकतायाव दिहुननाय जादोंमोन।

सों 22. ज'नाकी लाइसिनि मोनथाम बिहोमानि सोमोन्दै लिर।

फिन : ज'नाकी लाइसिनि मोनथाम बिहोमाया जाबाय—

(i) ज'नाकीया बै समनि गोबां गोदान थुनलाइयारि हारोंथाइ गोनां सुबुंफोरखौ दिहुनना लाबोनो हादोंमोन।

(ii) ज'नाकीयाव फोसावजानाय लिरबिदांफोराव लिरगिरिनि हारियारिबादि साननाय हनाय बेरखांहोदोंमोन। बे हारियारिबादि साननाय सुबुंफोरखौ जावरिखां होनायाव थुलुंगा होदोंमोन।

(iii) ब्रिटिस फैनायनि जाहोनाव आसामनि जायगायारि उद्य'ग आरो फालांगियाव जा उलथा गोहोम गोलैदोंमोन बेनि सोमोन्दै ज'नाकीया सांग्रां खालामना होदोंमोन।

सों 23. आसाम छात्र सन्मिलन माब्ला गायसननाय जादोंमोन आरो बेनि गिबि जथुमायाव सोर आफाद दैदेनदोंमोन?

फिन : 'आसाम छात्र सन्मिलन'खौ 1916 मायथाइयाव गायसननाय जादोंमोन आरो बे सन्मिलननि गिबि जथुमायाव आफाद दैदेनदोंमोन लक्ष्मीनाथ बेजबरुवाया।

सों 24. 19 जौथाइनि जोबनायथिं आसामाव गायसनजानाय मोननै रायत सभा (आफाद)नि मुं लिर।

फिन : 19 जौथाइनि जोबनायथिं आसामाव गायसनजानाय मोननै रायत समाया जाबाय—

(i) तेजपुर रायत सभा आरो

(ii) नगाव रायत सभा।

सों 25. रायत सभानि मोनथाम थांखि लिर।

फिन : रायत सभानि मोनथाम थांखिया जाबाय-

(i) ग्रेजिं खाजोना बन्द खालामनाय।

(ii) हानि खाजोना खमायनाय।

(iii) सानजा बंगनिफ्राय हाबफैनायखौ होबथानाय।

सों 26. आह 'म सभाखौ सोरनि दैदेननायाव गायसननाय जादोंमोन आरो बे सभानि गिबि जथुमाया बबे जिलायाव खुंजादोंमोन?

फिन : आह 'म सभाखौ पद्मनाथ ग'हाइ बरुवानि दैदेननायाव 1893 मायथाइयाव गायसननाय जादोंमोन आरो बेनि गिबि जथुमाया शिबसागर जिलायाव खुंजादोंमोन।

सों 27. आह'म सभाखौ माब्ला 'दुलाराय आसाम आह'म एस'सियेसन' मुं होनाय जादोंमोन आरो बेनि मोनसे मख'जाथाव राजखान्थियारि बिख'थाय (दाबि) लिर।

फिन : आह'म सभाखौ 1910 मायथाइयाव 'दुलाराय आसाम आह'म एस'सियेसन' मुं होनाय जायो। बे एस 'सियेसननि मोनसे मख'जाथाव दाबिया (बिख'थाय) जाबाय आह'मफोरखौ सरखारियै अनजिमा

बाडाइ महरै गनायनानै बिसोरनि थाखाय बिधान सभायाव मासि
(आसन) थिखानाय आरो जुदा समष्टि दानाय।

सों 28. ज'रहाट सार्वजनिक सभानि मोनथाम गुबै थांखि मख'।

फिन : ज'रहाट सार्वजनिक सभानि मोनथाम गुबै थांखिया जाबाय—

(i) रायजोनि मिजिंथिनाय, लुबैनायनि सोमोन्दै सरखारनो
मिथिहोनाय।

(ii) सरखारनि थांखि आरो खान्थिखौ सरासनस्रा सुबुंनो मिथिहोनाय।

(iii) सरासनस्रा सुबुंफोरनि थासारि जौगाहोनाय।

सों 29. आसाम एस'सियेसननि मोननै हाबाफारि लिर।

फिन : आसाम एस'सियेसननि मोननै हाबाफारिया जाबाय—

(i) पौरसभानि सोरखारि मावथि आरो लोकेल बडाव साहा
आबादारिफोरनि गादबनायनि बेरेखा खालामनाय।

(ii) एस'सियेसना जायगानि कमिटिफोरनि फोरजाखान्थियारि
खालामनायनि दाबि दैखांनाय।

**सों 30. आसाम एस'सियेसना ब्रिटिस सरखारनो खालामनाय मोनब्रै
दाबि रायखां।**

फिन : आसाम एस'सियेसना ब्रिटिस सरखारनो खालामनाय
दाबिफोरा जाबाय—

(i) बंग सोखावनायनि हेंथायै आसामखौ सानजा बंगनिफ्राय जुदा खालामनो सरखारनो गोसोखां बिलाइ होनाय।

(ii) बिधान सभायाव थान्दै हरनायनि दाबि दैखांनाय।

(iii) 1918 मायथाइनि मण्टेग' सेमसफर्ड रिपर्टनि थांखिनाय खुंथाइ सोदांनायाव आसामखौ सरजाबफानो दाबि दैखांनाय।

(iv) 1920 मायथाइयाव आसामाव मुलुग सोलोंसालि गायसननो दाबि दैखांनाय।

सों 31. आसामाव गिबियै गायसनजानाय मोननै राजखान्धियारि फसंथाननि मुं लिर।

फिन : आसामाव गिबियै गायसनजानाय मोननै राजखान्धियारि फसंथाननि मुडा जाबाय—

(i) ज'रहाट सार्वजनिक सभा आरो

(ii) आसाम एस'सियेसन।

सों 32. भारतारि हारिमायारि कंग्रेछनि 41 थि बोसोरसालिया जथुमाया माब्ला आरो बबेयाब खुंजादोंमोन?

फिन : भारतारि हारिमायारि कंग्रेछनि 41 थि बोसोरसालिया जथुमाया 1926 मायथाइयाव गुवाहाटीनि पाण्डुवाव खुंजादोंमोन।

सों 33. ब्रिटिस सरखारा बुरलुंबुथुर हायेननि थाग्राफोरखौ
गावहादरारि सोमावसारनायनिफ्राय जानगारनो लाखिनो थाखाय
सुबुनि मा मा मोजां खामानि फोसावदोंमोन?

फिन : ब्रिटिस सोरखारा बुरलुंबुथुर हायेननि थाग्राफोरखौ
गावहादरारि सोमावसारनायनिफ्राय जानगारना लाखिनो थाखाय
फोसावजानाय खामानिफोरा जाबाय—

(i) असमीया राव थुनलाइखौ कलिकता मुलुगसोलोंसालिनि एनट्रेन्स
आनजादनि फराफारियाव सोसननाय।

(ii) कटन कलेजखौ जौगा माननि सोलोंथाइ फसंथान महरै
गायसननो थाखाय गासैबो बिफानावनो बि.ए. थाखो खुलिनाय।

(iii) बुरलुंबुथुर हायेनाव मौजादार खान्थि सालायफिननाय।

(iv) नैजिफारियारि हा-बन्द 'वस्ति बाहायनाय।

सों 34. आसामाव हेफाबहोयि सोमावसारनायनि मोननै गोहोम मख'।

फिन : आसामाव हेफाजाबहोयि सोमावसारनायनि मोननै, गोहोमा
जाबाय—

(i) कानि बाहायनाय बन्द जानाय।

(ii) खादीनि जि बाहायनाय आरो बेनि दिहुननाय बांहोनाय।

सों 35. आसामाव हेफाजाबहोयि सोमावसारनाय दैदेननाय साब्रै
सुबुनि मुं लिर।

फिन : आसामाव हेफाजाबहोयि सोमावसारनाय दैदेननाय साब्रै सुबुंफोरनि मुंआ जाबाय—

(i) चन्द्र नाथ शर्मा,

(ii) अमिय कुमार दास।

(iii) हेमचन्द्र बरुवा।

(iv) मुहिबुद्दिन आहमेद।

सों 36. आसामाब आयेन मानियि सोमावसारनायनि बिथिंखौ नायनो थाखाय दानाय गोदान कमिटिफोरनि मोनब्रै थांखि रायखां।

फिन : आसामाव आयेन मानियि सोमावसारनायनि बिथिंखौ नायनो थाखाय दानाय गोदान कमिटिफोरनि मोनब्रै थांखिया जाबाय—

(i) रांखावरिनि थुबिल बांहोनाय।

(ii) सोबख'नाय आरो दबथायनाय आयेन बिथोननि हेंथा होनाय।

(iii) गुबुन हादरारि मुवा बेसाद गारनाय।

(iv) कानि आरो जौ बाहायनायनि बेरेखायै हेंथा होनाय।

सों 37. 'कानिंहाम सार्कुलारा' मा? बे सारकुलारनि रादाया मा?

फिन : 'कानिंहाम साकु'लारा' मोनसे फोसावलाइ। बे सार्कुलरखौ (फोसावलाइ) आयेन मानियि सोमावसारनाय सोलिबाय थानाय समाव आसामनि बै समनि सोलोंथाइ गोरा जन रिसार्ड कानिंहामा होदोंमोन। बे सार्कुलरखौ कानिंहामा होनायखाय बिथांनि मुडै' कानिंहाम सार्कुलार' बुंनाय जायो। बे सार्कुलारनि रादाया जाबाय—

(i) फरायसा आरो बिसोरनि बिमा बिफाफोरा जायखिजाया राजखान्थियारि हाबाफारियाव बाहागो लाया होननानै लिरनाय महराव खोथा होनाय।

(ii) दायनिगिरि जानायफोरखौ खना (जरिमाना) फोनांनायजों लोगोसे फरायसा बृत्ति (scholarship) खौ बन्द खालामनाय।

सों 38. बरदलै मन्थि आफाद उदांसिनि उनावनो मोगा मोगि जानांनाय मोनब्रै जेंना मख'।

फिन : बरदलै मन्थि आफादा उदांसिनि उनावनो मोगा मोगि जानांनाय मोनब्रै जेंनाया जाबाय—

(i) सा-सानजा ओनसोलनि सिमा जेंना।

(ii) सा- सानजा भारतनि हानथा मेलानि जेंना।

(iii) रांखान्थियारि बेले बेजेनि मोगा मोगि जानाय।

(iv) सा-सानजा भारतनि गुबुनारि हाबफैनाय जेंना।

सों 39. आसाम आबाद मुलुगसोलोंसालिनि मोनथाम थांखि लिर।

फिन : आसाम आबाद मुलुगसोलोंसालिनि मोनथाम थांखिया जाबाय—

- (i) आबाद खोन्दोआव सुबुं सम्पद जौगाहोनाय।
- (ii) दिहुननाय बांहोनो थादवाजासे बिजिरसंनाय।
- (iii) बिरोंदामि बिद्यानि जौगाखांहोनाय आरो रायजोनो मिथिहोनाय।

सों 40. बरदलै मन्थि आफादा उदांसिनि उनावनो लानाय मोननै गाहाइ थांखि लिर।

फिन : बरदलै मन्थि आफादा उदांसिखिनि उनावनो लानाय मोननै गाहाइ थांखिया जाबाय—

- (i) हादरसानि इसिं दाथायारि दानायाव गोसो होनाय।
- (ii) सुबुं सम्पद जौगा होनाय।

गोलाउ फिननायनि सोंनाय

सों 1. भारतनि उदांसि सोमावसारनायाव 1920 मायथाइनिफ्राय 1942 मायथाइसिम आसामनि बिहोमानि सोमोन्दै सावराय।

फिन : भारतनि उदांसि सोमावसारनायाव 1920 मायथाइनिफ्राय 1942 मायथाइसिम आसामनि बिहोमाखौ गाहायाव सावरायनाय जाबाय—

(i) **हेफाजाबहोयि सोमावसारनाय** : 1920 मायथाइयाव गान्धीनि हांख्रायनाय बादियै आसामावबो हेफाजाबहोयि सोमावसारनाय जागायो। आसामाव कंग्रेछ कमिटि गैयिलाय आसाम एस 'सियसनानो गिबि गिबि बाहागो लादोंमोन। आसामाव हेफाजाबहोयि सोमावसारनायखौ चन्द्रनाथ शर्मा, अमियकुमार दास, हेमचन्द्र बरुवा, महिबुद्दिन आहमेद तरुणराम फुकन आरो नबीन चन्द्र बरदलै मोनहा दैदेनदोंमोन।

(ii) **पाण्डु कंग्रेछ** : आसामाव 1921 मायथाइयाव आसाम हादोरसा कंग्रेछ कमिटिखौ दानाय जायो। बे हादोरसा कंग्रेछ कमिटिनि हांख्रायनाय बादियै 1926 मायथाइयाव भारतारि हारिमायारि कंग्रेछनि 41 थि बोसोरसालिया जथुमाया गुवाहाटीनि पाण्डुयाव खुंजायो। बे जथुमाया आसामाव हारिमायारि, सोमावसारनायखौ गोख्रों खालामो।

(iii) **साइमन कमिछन** : 1927 मायथाइयाव साइमन कमिछन दानाय जादोंमोन। भारतनि गुबुन जायगानि बादि आसामावबो कमिसनखौ नेवसिदोंमोन। सरकारा खुद्रिग्राफोरनि सायाव इनाय बाहायदोंमोन।

(iv) **आयेन मानियि सोमावसारनाय** : 1930 मायथाइनि 12 मार्सखालिनिफ्राय हादोरनाडैनो आयेन मानियि सोमावसारनाया जुरियो। गान्धीया सबरमती आस्रमनिफ्राय दाण्डिनि लैथो सेरसिम 240 माइल फ्राम गोजान दावबायना लैथोनि दैखौ फुटुंनानै संख्रि दिहुनना संख्रि आयेन सिफायदोंमोन।

गान्धीनि बे दाण्डिसिम दावबायनायाव आसामनि लीलाधर बरुवाया बाहागो लादोंमोन। आसामाव बे आयेन मानियि सोमावसारनायखौ हेमचन्द्र बरुवा, महम्मद तैयाबुल्ला, बिष्णुराम मेधी आरो

अम्बिकागिरि रायचौधुरी मोनहा दैदेनदोंमोन। बेवहाय तरुणराम
फुकन, र'हिनी कुमार चौधुरी, नबीन चन्द्र बरदलै बायदि
दैदेनगिरिफोरा आयेन मानियि सोमावसारनायनि फारसे गोसो
गैयामोन।

(v) कानिंहाम सार्कलार : आसामनि सोलोंथाइ गोरा कानिंहामा
फरायसाफोरखौ राजखान्धियाव बाहागो लानायनिफ्राय जानगारना
लाखिनो थाखाय मोनसे सार्कुलार दिहुनो। बेनि हेंथायाव गोबां
फरायसाफोरा सोरखारि स्कुल कलेज नागारनानै बे
सोमावासारनायाव बारसोमो आरो हारिमायारि गायसननाय
फरायसालियाव मुं थिसनो।

(vi) भारत एंगारनाय सोमावसारनाय : 1942 मायथाइनि 8
आगष्टखालि 'भारत एंगारनाय' बिथांखिया नाजावजायो। गान्धीजों
लोगोसे कंग्रेछनि सिगां सिरिनि दैदेनगिरिफोरखौ खानायाव बे
सोमावसारनाया सुबुं सोमावसारनायाव सोलाय जायो। आसामाव
ग'पीनाथ बरदलैजों लोगोसे सिगांसिरिनि दैदेनगिरिखौ सोरखारा
खायो। पुलिस मिलितारीया सोमावसारनायखौ दबथायनो बाइदि
इनाय उदखारनि मावफारि लायो। बरपथाराव रेल खोख्लैनायनि
दायाव कुशल क' वरखौ फासि होना बुथारदोंमोन। गहपुरनि
थानायाव फिरफिला दैखांनो थांनायाव 14 बैसोनि कनकलता
बरुवाया पुलिसजों गावथार जायो।